

خطِ یعقوب

پیشگفتار

امی خط د باره تعلیم های عملی آسته که یعقوب بله ایمانداری یهودی که د منطقه های دور از وطن خو زندگی مُوكد نوشته کده؛ یعقوب با چه آبه عیسی مسیح بود. او د امزی خط حکمت ره بطور واضح بله مقصد و رفتار زندگی مسیحی بیان مونه و د باره اینی موضوع ها توره مُوگیه: مال-و-دولت، غریبی، وسوسه، رفتار نیک، تعصّب، ایمان و عمل، د کار بُردون زبو، اختلاف ها، غرور، فروتنی، قضاوت د باره دیگرو، پُف-و-پیاق کدو، صبر و دعا.

فهرستِ عنوانها

سلام ها (فصل ۱ آیه ۱)

ایمان د دورون سختی ها (۲:۱)

غریبی و ثروتمندی (۹:۱)

وسوسه از طرف خدا نییه (۱۲:۱)

گوش ددو و عمل کدو د کلام خدا (۱۹:۱)

۱

اينجانې يعقوب ګلام خدا و مولا عيسى مسيح، د پګ مردم دوازده طايفه إسرائيل
که د تمام دنيا تيټپرک شده، سلام تقدیم مونم.

۲

ایمان د دورون سختی ها

برارون عزيز، وختيکه شمو د مشکلات و تجربه های سخت دچار موشید غدر خوش

بَشِيد، ^۲ چون شُمو مِيدَنيد كه امْتِحانِ ايمان، صبر-و-تَحْمُل شُمو ره زياد مُونه. ^۳ بَيليد كه صبر-و-تَحْمُل دَ وجُود شُمو كامِل شُنه تاکه شُمو پُوره و كامِل شُنيد و دَ هِيج چِيز ضرورَت نَدَشته بَشِيد. ^۴ اگه كُدم نفر دَ مينكل شُمو از نِگاهِ حِكمت-و-دانايى كم بَشه او از خُدا طلب كُنه و بَلِده شى دَده مُوشه، چون هر كسى كه حِكمت طلب كُنه خُداوند سَخاوتَمندانه دَزو مِيديه او ره سرزنش نَمُوكنه. ^۵ مَگم وختيike طلب مُونه او بَايد يقين دَشته بَشه كه خُدا دُعای شى ره قبُول مُونه او بَايد شك-و-شبَهه ره دَ دل خُو راه نَديه. آدم دُوِدله مثل لَپِه دريا أَسته كه دَ سَبَبِ باد إيسُو-و-أوسُو مُوخوره. ^۶ إِي رقم آدم هرگز گُمان نَكُنه كه خُداوند او ره يَگو چِيز مِيديه، ^۷ چون آدم دُوِدله دَ تمامِ كارهای خُو محكم نَبيه.

غَرِيبِي و ثُرَوَتَمندي

^۸ بِرارِ مُسَكِين-و-غَرِيب بَايد افتخار كُنه، چراكه او دَ نظرِ خُدا سَرِيلند أَسته، ^۹ مَگم بِرارِ پَيسَه دار دَ وختِ خاري-و-غَرِيبِي خُو ام بَايد افتخار كُنه، چراكه او ام مثل گُلِ عَلف الَّى يَگ روز از بَيَن موره. ^{۱۰} آفتو كه بُرِ مُوشه گرمى شى عَلف ره خُشك مُونه و گُل شى مِيريزه و نُورَيَندى شى از بَيَن موره. آرَى، آدم دَولَتَمند ام امى رقم أَسته: دَ حالِيكه دَ پُشتِ كاراي خُو مِيگرده، او از بَيَن موره.

وَسَوْسَه از طَرِفِ خُدَا نِيَّيَه

۱۲ نیک دَ بَختِ کسی که آزمایشای زِندگی ره بَرداشت مُونه. وختیکه ازی آزمایشا بُرو بُرْ شُد، خُدا تاجِ حیات، یعنی زِندگی آبَدی ره دَزُو مِیدیه، امُو زِندگی آبَدی ره که خُدا دَ دوستدارای خُو وعده دَده. ۱۳ وختیکه انسان وَسَوْسَه مُوشَه، او باید نَگیه که: "خُدا مَره وَسَوْسَه کده،" چراکه خُدا از وَسَوْسَه و بَدی دُور آسته و هیچ کس ره دَ وَسَوْسَه نَمِينَدَزه. ۱۴ انسان او غَیت دُچار وَسَوْسَه مُوشَه که دَ خاھِشای نَفسانی خُو گِرفتار شُدَه دَ دامِ عِیاشی خُو موافته. ۱۵ پس شهَوت و عَیش-و-نوش دَ زِندگی انسان گناه ره دَ وجود میره و گناه وختیکه غَدر کَلو شُد، باعِثِ مرگ مُوشَه.

۱۶ بِرَارُونِ عَزِيز، خود ره بازی نَدِيد. ۱۷ تمامِ نعمتای خُوب و مُكَمَل از آسمو و از سُونِ خُدا میبیه که خالِقِ نُور آسته و دَ شانِ اُزو تغِیر نِيَّيَه مِثْلِ سایه وَری که میبیه و موره. ۱۸ او دَ مُطابِقِ إِرَادِه خُو و دَ وسِيلَه کلامِ حقِيقَتِ مو ره زِندگی نَو دَد تاکه مو نَمُونَه از مخلوقاتِ نَو اُزو بَشَى.

گوش دَدو و عمل کدو دَ کلامِ خُدا

۱۹ بِرَارُونِ عَزِيز، هر کس باید هر غَیت دَ گوش کدو تَيَارَ بَشَه و پیش از توره گُفتَو خُوب فِكْر كُنه و زُود قارَ نَشَنَه، ۲۰ چراکه قارِ انسان راستی-و-صداقتی ره که خُدا میخایه، دَ

وجود نَمِيره.^{۲۱} پس امزی خاطر، هر رقم بَدَی و کارای شَیطانی ره که دَزِندگی شُمو آسته از خود دُور کُنید و کلامِ خُدا ره که دَدِلِ شُمو کِشت شُده دَنَرمی قبُول کُنید. ای کلام، قُدرت دَره که جان شُمو ره نِجات بِدیه.

نه تنها گوش کُننِدہ کلامِ خُدا بَشِید، بلکہ دَز شی عمل کُنید. خود ره بازی نَدید:^{۲۲}
چون کسی که کلام ره فقط گوش مِیگیره و دَزُو عمل نَمُونه او مِثْلِ آدمی آسته که رُوی
خُوره دَآینه مِینگره؛^{۲۳} آرے، او خود ره مِینگره و غَیتِیکه از پیشِ آینه دُور مُوشہ
پُرمُشت مُونه که رُوی شی چی رقم بُود.^{۲۴} لیکن کسی که شریعتِ کامِلِ خُدا ره که انسان
ره از چنگِ گناه آزاد مُونه، محکم بِگیره و دَزُو پایبَند بَشه و چیزای ره که شِنیده پُرمُشت
نَکُنَه، بلکہ دَزوا عمل کُنَه، پروردِگار دَکارای اُزو بَرکت مِیدیه.

کسی که خود ره ایماندار مِیدَنَه، مگم زِیون خُوره اداره نَمیتنَه، او خود ره بازی مِیدیه
و ایمان شی بے فایده آسته.^{۲۵} ایمانِ پاک و بے عَیب دَنظرِ خُدا یعنی آته آسمانی اینی آسته
که مو یتیما و خاتُونوی بیوه ره دَمُصِیت شی دِلگیری کده کومَک کُنَی و خود ره قد
فساد های دُنیا الْوَدَه نَکُنَی.

دَبارِه تعصُّب و طرفداری

^۱ بِرارای عزیز، ایمانی ره که شُمو ڈَ مَولَای پُرْجلالِ مو عیسیٰ مسیح دَرِید، نَبَاید قد

ظاہِرِینی و تبعِیض قَتَی بَشَه.^۲ فرض کنید یگ نفر ڈَ مجلس شُمو بییه که کالای قِیمتی ڈ
جان شی و آنگُشتَری های طِلَّایی ام ڈَ دِست شی بَشَه و ڈَ عَینِ وخت یگ نفر نادار خُن
کالای غَرِیبانه داخل شُنه،^۳ و شُمو دَمْزُو پَیسَه دار فِکر خُو ره کَلَوَتَر بِگِیرِید و خُوبِتَرِین جای
ره دَزُو ایله کده بُگِید: ”بَیَه صَاحِب، اِینجِی پیش بِشَی.“ مَگم دَزُو غَرِیب بُگِید: ”بُورُو ڈ
آونجِی ایسته شُو یا ڈَ دانِ درگَه بِشَی!“^۴ آیا شُمو قد امزی کار خُو ڈَ بَین خُو دُوبِینی
نَکدید و قاضی های پُر از فِکر های فاسِد جور نَشَدید؟

^۵ بِرارای عزیز، دَز مه گوش بِدید: خُدا مردِم غَرِیب ازی دُنیا ره اِنتِخاب کده تا ڈَ ایمان
غَنی بَشَه و وارِثِ امْزُو پادشاھی شُنه که خُدا ڈَ دوستدارای خُو وعده دَدَه.^۶ مَگم شُمو
آدمای غَرِیب ره بے حُرمَت مُونید. آیا آدمای پَیسَه دار دَز شُمو ظُلم نَکدَه و شُمو ره ڈَ زور
کَشَل کده ڈَ محاکِمَه نَبُردَه؟^۷ آیا اُونا ڈَ ضِدِ نامِ نیکِ عیسیٰ که ڈَ بَلَه شُمو ایشته شُده،
کُفرگویی نَمُونه؟

^۸ اگه شُمو امی حُکمِ مُهم و بِلند ره که ڈَ کلامِ خُدا نوِشته شُده یعنی ”همسایه خُوره رقمِ
خود خُو الی دوست دَشته بَش“ ڈَ جای بیرِید، کارِ نیک ره انجام میدید. لیکن اگه
ظاہِرِینی کده تبعِیض قایل شُنید، شُمو گناه مُونید و شریعت شُمو ره خطَاکار حِساب
مُونه،^۹ چون اگه کُدم کس تمامِ احکامِ شریعت ره پُوره کنه، ولے حتَی ڈَ یگ نُقطَه شی

کوتاهی کنه، او مِثُلٍ که تمام شریعت ره مَیده کده بَشه مَحْكُوم آسته.^{۱۱} امُو خُدا که گفته: "زِنا نَكُو!" ام گُفته که: "قتل نَكُو!" پس اگه شُمو از زِنا پاک بَشید و لیکن مُرتکب قتل شُنید، باز ام شریعت شُمو ره خطاکار حِساب مُونه.

پس رقم کسای توره بُگید و عمل کنید که دَ وسیله شریعتی که آزادی مِیدیه، قضاوت مُوشه.^{۱۲} ^{۱۳} چون وختیکه خُدا قضاوت مُونه او دَ کسی که رَحم نَکده بَشه رَحِیم نییه. لیکن رَحم دَ بَلِه قضاوت پیروز مُوشه.

رابطه بین ایمان و عمل

برای عزیز، چی فایده دَره اگه کس بُگیه، "ایمان دَرم" و عمل دَزُو موجود نَبشه؟ آیا ایمان اُزو مِیتنه او ره دَ روزِ قیامت نِجات بِدیه؟^{۱۴} اگه کَدم بِرار یا خوار ایماندار کالا نَدشته بَشه و یا دَ خوراکِ روزانه خُو مُحتاج بَشه،^{۱۵} و یکی از شُمو دَزُو بُگیه، "بَخیر بُرُو؛ خُدا تُو ره سیر و گرم کنه." ولی ضرورتِ اُزو ره پُوره نَکنه، ای توره بَلِدِه اُزو چی فایده دَره؟^{۱۶} امی رقم ایمان که قد عمل قتی نَبشه مُرده يَه.

امکان دَره یَگو کس بُگیه: "تُو ایمان دَری و ما اعمالِ نیک دَرم." لیکن تُو دَز مه ثابت کُو که چی رقم مِیتنی بِدونِ اعمالِ نیک ایمان دَشته بَشی و ما ایمان خُو ره دَ وسیله اعمال خُو دَز تُو ثابت مُونم.^{۱۷} تُو عقیده دَری که خُدا یَگ آسته. دُرست آسته! حتی چنیات

ام عقیده دره که خدا یگ آسته و از ترسِ قضاوتِ خدا می‌لرزه.

۲۰ آی آدم نادو! آیا نمیدنی که ایمانِ بُدونِ اعمالِ نیک بے‌فایده یه؟^{۲۱} بابه‌کلون مو ابراهیم د وسیله اعمالِ نیک خو د پیشِ خدا عادل-ونیک حساب شد، چراکه او اسحاق باچه خو ره د نیتِ قربانی د قربانگاه بُرده د خدا تقدیم کد.^{۲۲} شمو مینگرید که ایمان و عمل ازو قد یگدیگه خو یگجای کار مُوكد و ایمان ازو تَوسُطِ عمل شی کامل شد.^{۲۳} دمزی رقم نوشه های تورات پوره شد که مُوگه: "ابراهیم د خدا ایمان اورد و ای بله ازو یگ عمل عادل‌نه حساب شد"^{۲۴} و نام شی «دوستِ خدا» ایشته شد. پس شمو مینگرید که انسان نه تنها از راه ایمان، بلکه د وسیله عمل خو عادل و راستکار حساب مُوشه.^{۲۵} دمزی رقم راحاب که یگ خاتون بَدکاره بُود، د وسیله کارِ نیک خو یعنی پناه ددو د مُخیرای بنی اسرائیل و ری کدون ازوا از راه بے خطر، نیک و عادل حساب شد.^{۲۶} رقمیکه جسم بے روح مُرده یه، امو رقم ایمان بے عمل ام مُرده یه.

احتیاط د توره گفتتو

۳۱ براای مه، غدر شمو معلم درسِ روحانی نشینید، چون شمو میدنید که مو معلم سختتر قضاوت مُوشی.^۲ پگ ازمو خطاهای کلو مُونی و کسی که د توره گفتتو خطآنکنه، آدم کامل آسته و میتنه تمام جان خوره اداره کنه.

مو د دان اسپ لغام ميندزى تا د تى فرمان مو شنه. دمزى طريقه تمام جسم اسپ ره د هر طرف که بخاهى دور دده ميتنى.^۴ يا فرض مثال، يگ کشتى كله که باد تيز او ره تيله مونه، او قد يگ جلو ريزگگ د هر طرف که دل کشتى وان بخایه بُرده موشه.^۵ زيو ام امى رقم آسته: اگرچه يگ حصه ريزگگ جسم مو آسته، مگم لفای كله كله ميزنه.

شمو ميدنيد که يگ چرغک آتش ميتنه جنگل کله ره دار بدие.^۶ زيو ام يگ آتش آسته. د مينكل اعضاي جسم مو زيو يگ دنيا پر از شرارت آسته که تمام وجود مو ره الوده مونه و دورون زندگی مو ره آتش زده دوزخ تبديل مونه و خود شى از آتش دوزخ در ميگيره.^۷ هر رقم حيوانات وحشى، مرغکو، خزندگو و حيوانات دريابي ره انسان تنسته که رام كنه و آلى ام ميتنه،^۸ ليکن هيچ کس نميتنه که زيو ره رام كنه. زيو شير رام ناشدنى و پر از زار كشنده يه.

مو قد امزى زيو خداوند ره که آته آسماني مو آسته حمد و سپاس موكى و ام انسان ره که خدا رقم خود خو جور کده، نالت مونى.^۹ از يگ دان ام برکت شينیده موشه و ام دو و دشnam. آى براراي مه، اى رقم باید نبشه.^{۱۰} آيا امكان دره که از يگ چشمها او و شيرين و ام آو شور بُر شنه?^{۱۱} براراي عزيز مه، آيا درخت انجير ميتنه زيتون ثمر بدие؟ يا تاگ انگور، انجير؟ هرگز نه! پس هيچ چشمها شور ام نميتنه که آو شيرين بدие.

دَ بَيْنَ شُمُو كِي هُوشِيار و دانا يَه؟ اگه كُدمَ كَسَ أَسْتَه، او بَايدَ دَ زِندَگَى خُو اعْمَالِ نِيكَ^{١٣}
 دَشْتَه بَشَه و اعْمَالِ خُو رَه دَ فِرَوْتَنِي كَه از حِكْمَتَ دَ وَجْودِ مِيَيه، نِشَوِ بِدِيه.^{١٤} لِيَكِنَ اگه
 شُمُو دَ دِلَ خُو سَخْتَ حَسَادَتَ و خَوْدَخَاهِي دَرِيد، لَافِ بِيجَاهِي تَزَنِيدَ و دَ ضِدِ حَقِيقَتَ دروغَ^{١٥}
 نَكِيد. اِي رقم حِكْمَت-و-دانِيَيِي از عَالَمِ بالهِ نِيَيِه، بَلَكِه دُنياَيِي، نَفَسَانِي و شَيَطَانِي
 أَسْتَه.^{١٦} چُونَ دَ هَر جَاهِي كَه حَسَدَ و خَوْدَخَاهِي أَسْتَه، دَ أُونَجَيِي بَيْنَ نَظَمِي و هَر رقم شَرَارتَ
 اِمَّ وَجْودَ دَرَه.

مَكْمَحِكْمَت-و-دانِيَيِي كَه از عَالَمِ بالهِ رِيشَه مِيَيْگِيرَه، اوَّلَ پَاك، بَعْدَ اِزْوَ صُلحَ طَلَبَ،^{١٧}
 حَوْصِلَه مَنَدَ، نَصِيحَتَ پِذِيرَه، پُرَ از رَحْمَتَ و ثَمَرَ نِيَكَو، بَيْنَ طَرَفَ و بِدُونَ خَوْدَنُمَاءِيَيِي أَسْتَه.
 ثَمَرَ عَدَالَتَ كَه دَ صُلحَ وَجْودَ دَرَه، دَ وَسِيلَه كَسَاهِيَيِي كَيْشَتَ مُوشَه كَه صُلحَ طَلَبَ أَسْتَه.^{١٨}

نَتِيَّجَه آرزوَهَاهِي نَأپَاكِ اِي دُنيا

١ عِلَّتِ جَنَگَ-و-جَنْجَالَ دَ بَيْنَ شُمُو چَيِّيَه؟ آيا عِلَّتِ از واخَاهِشَهَاهِي نَفَسَانِي شُمُو
 كَه دَ اَعْضَاهِي جِسمَ شُمُو جَنَگَ مُوكُنَه، نِيَيِه؟^٢ شُمُو چِيمَ خُو رَه دَ چِيزِي مِيلِيدَ كَه نَدَرِيد،
 شُمُو قَتَلَ و حَسَادَتَ مُونِيدَ، مَكْمَحِكْمَتَ مُونِيدَ او رَه حَاصِلَ كَنِيدَ؛ شُمُو جَنَگَ و جَنْجَالَ مُونِيدَ،

لیکن بازم د دست شمو نمییه، چراکه شمو از خدا طلب نمونید.^۳ و طلب ام که مونید د دست شمو نمییه، چراکه قد نیت بد طلب مونید تا خاهش های نفسانی خوره پوره کنید.

آی مردم زناکار! آیا شمو نموفامید که دوستی دنیا، دشمنی قد خدا آسته؟ پس هر کسی که میخایه دوست دنیا بشه، او دشمنون خدا جور موشه.^۴ آیا شمو فکر مونید که نوشه های مقدس بے فایده موغه که "خدا روحی ره که دز مو قرار دده، سخت دشی علاقه دره؟"^۵ مگم خدا ازی کده ام فیض کلو دز مو موبخشه. امزی خاطر د کتاب مقدس مُوگیه:

"خدا مخالف آدمای کبری-و-مغرور آسته،

لیکن د آدمای بے کبر فیض موبخشه."

پس از خدا اطاعت کنید و د مقابل شیطو ایستادگی کنید تاکه شیطو از پیش شمو دوتا کنه.^۶ د خدا نزدیک شنید تا او ام دز شمو نزدیک شنه. آی گناهکارا، دستای خوره از گناه پاک کنید و آی مردمای دودله، دل خوره صاف کنید؛^۷ ماتم بگیرید، وویه و مخته کنید؛ بیلید که خنده شمو د وویه و خوشی شمو د غم بدل شنه.^۸ د حضور خدا خود ره خاکسار کنید و او شمو ره سریلنند مونه.

قضاياَت کدو د بَلِه دِیگُرو

آی بِرارو، بَدْگویی یَگِدِیگَه خُو ره نَکَنید. چُون هر کسی که بِرار ایماندار خُو ره بَد بُگیه یا دَبَلِه اُزو قضاوت کنه، دَحِيقَت او شریعت ره بَد مُوگیه و دَبَلِه شریعت قضاوت مُونه. پس اگه شُمو دَبَلِه شریعت قضاوت کُنید، شُمو مُطابِق شریعت عمل نَمُوکُنید، بلکه قاضی شی جور مُوشِید.^{۱۲} تنها یَگ صاحِب شریعت و قاضی وجود دَره، که قُدرتِ نجات دَدو و تَباه کدو دِ دِستِ اُزو يَه. پس تُو کَی آستَى که دَبَلِه همسایه خُو قضاوت مُونی؟

پُف-و-پَنَاق دَ بارِه کارای آینده

آی آدمای که مُوگِید: "امروز يا صَباح دَ فلان شار موری و یَگ سال ره دَ أونجی تیر کده تُجارت مُونی و فایدِه کَلو دِ دِست میری،"^{۱۳} دَحالِیکه شُمو نَمِیدنید که صَباح چی مُوشَه، چُون زِندگی شُمو رقمِ تفت-و-بُخار الَّی آستَه که یَگ لَحظه دیده مُوشَه و بعد اُزو از بَین موره.^{۱۴} پس دَ جای اُزو شُمو باید بُگِید: "اگه خُدا خاسته بشَه و مو زِنده بشَی، ای کار يا او کار ره مُونی." ^{۱۵} لیکِن فِعلاً شُمو لاف مِیزَنید که لاف زَدو هر رقم شی بَد آستَه.^{۱۶} پس هر کسی که انجام دَدونِ کارِ نیک ره مُوفاَمه و انجام نَمِیدیه، او گناهکار حِساب مُوشَه.

^۱ آی مردم سرمایه‌دار، مختنه و چخرا کنید، چراکه بـلا-و-غـم د سر شـمو آمدـنی آستـه.
^۲ مـال-و-دـولـت شـمو بـرـيـاد شـدـه و كـالـاي شـمو رـه كـويـه خـورـده. ^۳ طـلـا و نـقـره شـمو رـه زـنـگ
 زـدـه و زـنـگـزـدـگـي اـزوـا دـپـيـشـخـدا دـضـدـشـمو شـاهـدـي مـيـديـه و رقمـآـتشـآلـي گـوشـتـشـمو
 رـه مـوـخـورـه، چـون شـمو حـتـىـ دـروـزـاي آـخـرـ اـم دـجـمـ كـدوـنـ مـالـ دـنـيـا مـصـرـوفـ آـسـتـيد.

^۴ مـزـدـ اـمـزوـ كـارـگـرا رـه كـه زـمـينـاي شـمو رـه دـرـوـ كـده، شـمو دـاغـلىـ كـده نـگـاهـ كـديـدـ و اـمـوـ مـزـدـ دـ
 ضـدـشـمو فـريـادـ مـوـنـهـ. و نـالـهـ اـمـزوـ دـرـوـگـرا دـگـوشـ خـداـونـدـ لـشـكـرـها رـسيـدهـ. شـمو دـرـوـيـ
 زـمـىـ عـيـشـ و نـوـشـ كـلـوـ كـدهـ كـفـتـ دـلـ خـوـ رـهـ بـرـ كـديـدـ و خـودـ رـهـ بـلـدـهـ رـوزـ كـشـتوـ چـاقـ كـديـدـ.
^۵ شـموـ آـدـمـ عـادـلـ وـنيـكـ رـهـ مـحـكـومـ كـديـدـ وـ دـ حـالـيـكـهـ هـيـچـ اـزـ خـوـ دـفـاعـ نـمـوكـدـ، اوـ رـهـ
 كـشـتـيـدـ.

صـبـرـ دـ وـخـتـ مـشـكـلاتـ

^۶ پـسـ اـمـزـىـ خـاطـرـ، آـيـ بـرـارـوـ، تـاـ روـزـ آـمـدـونـ مـوـلاـ عـيـسـىـ صـبـرـ وـ حـوـصـلـهـ كـنـيدـ. اـونـهـ، دـيـغوـ
 بـلـدـهـ كـيـشتـ پـرـ آـرـزـشـ زـمـينـ خـوـ إـنـتـظـارـ كـشـيـدـهـ صـبـرـ وـ حـوـصـلـهـ مـوـنـهـ تـاـكـهـ بـارـشـ اوـلـ وـ آـخـرـ دـ
 بـلـهـ كـيـشتـ بـيـارـهـ. ^۷ آـرـ، شـموـ اـمـ بـاـيـدـ صـبـرـ دـشـتـهـ بـشـيـدـ وـ خـاطـرـ جـمـ بـشـيـدـ، چـراـكـهـ آـمـدـونـ
 مـوـلاـ عـيـسـىـ قـرـيبـ آـسـتـهـ.

^۹ آی بِرارو، از یگدِیگه خُو شِکایت نَکنید، نَشنه که خودون شُمو مَحْكُوم شُنید؛ چون
قاضی حَقِيقی امی الی بَلِدِه قضاوت کدو دَ دانِ درگه ایسته يَه.

^{۱۰} بِرارو، از صَبَر-و-خَوْصِيله پیغمبرای که دَ نَامِ خُداوند توره گفته و رَنج کشیده، سرمشقا
پِگِیرید. ^{۱۱} واقعاً، مو آدمای پُر صَبَر و تَحَمُّل ره خوشبخت مِیدَنی. شُمو دَ باره صَبَر-و-
تَحَمُّلِ آیوب پیغمبر شِنیدید و کاری ره که دَ آخر خُداوند بَلِدِه ازو انِجام دَد امِیدَنید، چون
خُداوند غَدر رَحِيم و مِهربو أَسته.

^{۱۲} از پَگ کده مُهمَّتَر، آی بِرارای مه، قَسَم نَخورید؛ نَه دَ آسمو و زَمَى و نَه دَ هِيج چِيزِ
دِیگه. «نَه» شُمو «نَه» بَشه و «أَرَى» شُمو «أَرَى» بَشه؛ نَشنه که مَحْكُوم شُنید.

قدرتِ دُعا

^{۱۳} اگه کُدم نفر دَ بَيَن شُمو دُچارِ رَنج-و-مُصِيبَت بَشه او باید دُعا کنه و کسی که خوش
آسته، باید سُرُود بِخانه. ^{۱۴} اگه کسی دَ بَيَن شُمو ناجور بَشه، او بُزرگای جماعتِ ایماندارا
ره طلب کنه که بیله و دَ نَامِ مَولا عیسی بَلِدِه شی دُعا کده جان شی ره قد روغونِ زَيْتون
چرب کنه. ^{۱۵} دُعای که از رُوی ایمان بَشه ناجور ره شفا مِیدیه و مَولا عیسی او ره از
بِسْتَرِ ناجوری باله مُونه؛ و اگه گُناه کده بَشه گُناه شی ام بخشیده مُوشه. ^{۱۶} پس گُناهای
خُو ره دَ پیش یگدِیگه خُو اقرار کنید و بَلِدِه یگدِیگه خُو دُعا کنید تاکه جور شُنید. دُعای

آدمِ صادِق و راست کار قُدرت و تائییر کلو دَرَه.^{۱۷} الیاس پیغمبر مثل ازمو وَری یگ انسان بُود، لیکِن وختی از تَی دل دُعا کد که بارو نباره، تا سِه و نِیم سال دَبَله زمی بارو نبارید،^{۱۸} و زمانیکه دُوباره دُعا کد، از آسمو بارو بارید و زمی حاصل دَد.

ای بِرارون مه، اگه کُدم کس دَ مینکل شُمو از راهِ حقِیقت گُمراه شُده بشه و دِیگه نفر او^{۱۹} ره پس دَ راهِ راست بیره،^{۲۰} بِدَنیید که امُو نفر که گُناهکار ره از گُمراهی پس دَ راه میره، دَ حقِیقت جانِ اُزو ره از مَرگِ آبدی نجات مِیدیه و گُناه های غَدرِ آدم گُمراه ره مُوپوشنه.